



PESERTA bergambar kenangan sempena program tersebut.

PKPP UMS anjur Kem Ibadah sempena cuti sekolah

UB 1-12-13 45

KOTA KINABALU: Bersempena dengan cuti sekolah akhir tahun, Pusat Kokurikulum dan Pemajuan Pelajar (PKPP) UMS telah mengadakan program Kem Ibadah di Masjid UMS.

Kem Ibadah tersebut dibuka kepada anak-anak kakitangan UMS dan pelajar sekitar Kota Kinabalu berumur antara 10 sehingga 17 tahun.

Menurut pengarah program

kem ini, Ar-Rahim Abu Hanafiah, kem ini dianjurkan bertujuan untuk membina jati diri dalam kalangan pelajar di samping memperkukuhkan ilmu ibadah asas seperti tatacara berwuduk dan solat.

Para pelajar juga diterapkan dengan nilai-nilai murni seperti menghargai jasa ibu bapa, saling hormat-menghormati serta memupuk

silaturahmi antara peserta dan pembimbing program.

Menariknya program ini bukan saja menyajikan santapan kerohanian tetapi memantapkan juga fizikal dengan permainan sukaneka dan gotong royong.

Kem ibadah tersebut telah menarik penyertaan lebih 40 orang pelajar bermula 29 November dan akan berakhir pada 1 Disember.



PESERTA terdiri daripada anak-anak kakitangan UMS dan pelajar sekolah.